



ATASSUT INATSIARTUNI



8. oktober

UKA2015/133

Aalisarnermik piniarnermillu inuussutissarsiutillit inuussutissarsiornerannik siuarsaanermut inatsisip (ESU) allangortinneqarsinnaanera pillugu - taassumalu kingunissai pillugit – Naalakkersuisut misissuinissaannik Inatsisartut aalajangiiffigisassaattut siunnersuut, taamaalilluni siunissami inuussutissarsiutigalugu umiatsiaaqqap pissarsiarinerata nalingata 40 % -ianik inuussutissarsiornermi siuarsaanissaq pillugu taarsigassarsiisoqarsinnaanngorlugu. Misissuinerup inernera kingusinnerpaamik aggstip aallaqqaataani 2016-imi Inatsisartunut agguanneqassaaq.

(Inatsisartunut ilaasortaq Nikolaj Jeremiassen, Siumut)

Imaani inuussutissarsiuteqarneq qangarsuaaniilli inuiaat nunasseqqaarmatali tunngaviuvoq, aamma nunarujussuatsinni siammasissumik nunaqariuseqarpugut aningaasarsiornikkulli aalisarnermik tunngaveqarneq isumalluutit suli annersaraat, naak aalisarnermik inuussutissarsiuteqarneq aningaasarsiornerlu allatigut ikorfartorniarlugu suliniuteqartoqaraluartoq taamaattoq suli pitsangorsaasoqartuarnissaa Siumup aamma Atassut-ip pingaartutut isigaa, aaqquissuussinerillu pitsangorsaataasinnaasut tamaasa tikilluaqqunartippavut.

Nalungilarput pingaarnertut aalisarnek inuussutissarsiutaagaluartoq inoqarfiit ilaanni piniarnek inuuniarnermi suli aamma tunngaviummat. Qularutigisariaqanngilaq piniagassa qarallartillugu taamaattuartaussamat taamaatumillu pitsanngorsaataasinnaasunik aaqquissuussinerit nalilersortuassallugit Siumup aamma Atassut-ip pingaartutut isigaa.

Inatsisartunut ilaasortaq Nikolaj Jeremiassen, Siumut siunnersuuteqarpoq inuussutissarsiutissamik umiatsiarartaarniarluni aningaasalersuinissamat periarfissat pitsaanerulernissaat misissorneqartariaqartoq, tamatumani aalisarnermik piniarnermillu umiatsiaararsorlutik inuussutissarsiuteqartut pitsaanerusumik aqqutissiuunnarlugit misissuinissamik naalakkersuisut peqquneqassasut.

Siumumiik aamma Atassut-miit siunnersuuteqartoq tamakkiisumik taperserparput, umiatsiaararsorluni aalisarnek piniarnerlu annertuumik ingerlanneqarput taamaatumillu taamatut inuussutissarsiortunut oqilisaassissutaa-sinnaasut misissoqqissaarnissaat pigaaruteqarlunnarpoq.

Ilanngullugulu Siumumiit aamma Atassut-miit umiatsiaaqqat naleqquttut ESU aqqutigalugu pissarsiarineqarsinnaasutut nalilikkat nutarterinermi naleqqussarnissaat aamma ilanngullugit misissorneqarnissaat piumasaraar-put. Umiatsianik sanaartortut nutarteriuarput taamaattumik ESU aqqutigalugu aningaasalersuilluni pissarsiarineqarsinnaasunut aalajangersakkat naleqqussarnissaat pisariaqarpoq.

Siumumiit aamma Atassut-miit taamatut oqaaseqarluta siunnersuut taperserparput

Jens Immanuelson, Siumut, ilanngullugu peqataaffigineqartoq Atassut-miit